





**Joonde daraniinde tabital demokarasi  
ley Burkina Faso**



Sejede(cGd) Joonde daraniinde hawjoragol laamu dawridal (Demokarasi) ley Burkina faso

# **KIINÑAL ANNIYAAJI TEWTOO'BE LAAMU PERSIDAN ÑANDE 29 LEWRU SAPPO E GO'ABURDU HITAANDE 2015**

# Naatirka

Ñannde 29 lewru sappo go'aburdu hitaande 2015, burkinaabe noddete mburtoo mboto laatotoodo Persidan di Faso. Joonde laamu daraniinde sariya woteeji goynii inde yimbe sappo e nayo waawube yamude laamu ley woteeji garooji ñin. Ko partiiji politikki e tewtoobe laamu ley Afiriki peletee yo ko kiisataako gollirgol porogaramiiji, rafi hollugol porogaram mo gollirta soni hebii laamu. Dum na sabonoo, wototoobe suboragol yimbe dow waawugol mubben yeeyitaade maa yurugol leñi ndewgu maa diina. Ko woni hannden hannden mono fu won no yiirata dum. Partiiji politikki keewdi maa tewtoobe laamu persidan ñannde 29 lewru sappo e go'aburdu hitaande 2015 kolli porogaramuujii mubben.

Min kaaldii e tewtoobe laamu ben maa horeebe partiiji mabbe, faa min keba porogaramuujii mabbe; yoga mabbe kokkii min ñi. Wobbe mabbe du, kokkaay min porogaramuujii mubben , yo ley kibaaruujii ñi be kokkata yimbe fu, be kolli porogaramuujii mabbe. Noy popaganndi porogaram parti waawi wadfireede soni wototoobe kebaay ñi.

Ko laati fu, min kollirii hawtimeere porogaramuujii tewtoobe laamu ñi min kebi. Ammaa ko heddi yo faamude yalla porogaramuujii ñin na kabbodii e haajuujii yimbe e tawti yalla ñin porogaramuujii wo koolniidi. Banngal dewte ñe min kokkaa ko taykaa , ko hollaa ley yoga majje na fiirta faa laabi woodi na holliraa du e kibaaruujii feerefeereji. Goddi majje kolliraaka non. Ley godde majje fu yo hawronndira faa dum tiidini kiiñal majji. Min kollii leyi hawtimeere to kibaaruujii ñin fu kolla mboodeefi dewte; ko min kollirii ko laati feerefeerejum maa ko laataaki feerefeerejum .


Faa faame yalla porogaramuujii ñin na kabbodii e haajuujii burkinaabe, pondirde ñi ñi nawtoraa:

- Nawtoragol haajuujii burudi habbude yimbe ko'e ley enkettiiji gadaadi ;
- Laabingol haadingooji tewtoobe laamu.

Ley dewte porogaramuujii kebaadi, ko ekondirtee winndaama dey hebitiraa ko hebaa ley dewte ñen.

Ko enketti Aforo baaromeetere cakitiido wada holli, burkinaabe na miilo kee gofernema na wondi sadfaaji dewtudi ñi:

- 1) Banngal ndiyam (34%) ;
- 2) Banngal cellal (14%) ;
- 3) Banngal rafi keyal ñaamdu /rafo (8%) ;
- 4) Banngal jannde (7%) ;
- 5) Banngal rafi gollal (6%) ;
- 6) Banngal demal (5%) ;
- 7) Banngal ñi bugol laabi (5%) ;
- 8) Banngal talkaaku/henugol yimbe sera (4%) ;
- 9) Banngal warhooreeji e rafi ndeenaagu (3%) ;
- 10) Banngal kuuran (2%).



**Hawatimeere 1: sadfaaji buridi hebeede ley leydi di gofernema jeyi habdude**

**Yamol gadangol ngol yimbe kokki jaabu: ley miilo mom sadfaaji diye buri hebeede ley leydi, di gofernema jeyi habdude?**


To kibaaruuji di kebaa : [afrobarometer.org](http://afrobarometer.org)

1) Miilooji burkinabe na ceediri e to mono fu joodi. Soni haajuuji banngal ndiyam yo ko buri semmbe to yimbe ley to njoodi fu, burkinaabe wonube ley galluje ko habbidum en ko'e yo sadfaaji dewtudi:

- 1) Banngal ndiyam (15%) ;
- 2) Banngal rafi gollal (14%)
- 3) Banngal cellal (12%) ;
- 4) Banngal rafi keyal ñaamdu (11%) ;
- 5) Banngal jannde (8%) ;
- 6) Banngal ñibugol laabi (3%) ;
- 7) Banngal demal (2%) ;

Ammaa sadfaaji di yimbe gure limtata yo dewtudi di :

- 1) Banngal ndiyam (40%) ;
- 2) Banngal jannde (15%) ;
- 3) Banngal keyal ñaamdu (7%) ;
- 4) Banngal rafi gollal (6%)
- 5) Banngal demal (6%) ;
- 6) Banngal ñibugol laabi (6%) ;
- 7) Banngal cellal (4%) ;



***nokku joonde***

***yamol gadangol ngol yimbe kokki jaabu: ley miilo mom sadɗaaji diye buri hebeede ley leydi, di gofernema jeyi habɗude?***

*To kibaruuji ɗin keɓaa : afrobarometer.org*

Aforo baaromeetere yo reejo tewtirɗo annde mo jinnganɗa fa'e gooto gaɗoowo ankettiiji banngal laamu dawridal, hawju laamu, daliiliiji kebe leydi e ko habɓodi e majii nder ko buri leyde Afiriki 30. Jokkoode ankettiiji joy ngadɗa hakkunde 1999 e 2013, e jokkoode anketti jeegabo woni na waɗee joonin (2014-2015). Aforo baaromeetere na waɗira yamɗe hoore e hoore ley haala yameteɗo dey tawe yimbe 1.200 yahade 2.400 cubaa faa nootanoo leydi fu. Fedde Aforo baaromeetere Burkina Faso, Yo Sejede-ljede (CGD-IGD) ardii ɗum. O waɗanii yamɗe 1.200 baaliki en burkinaabe hakkunde lewru nayaburdu e joyaburdu hitaande 2015. Iri yemre jamaa hono o na wonɗi jaabuuji di boofi pamɗudi ɗum woni ko buri maa ko ñakki 3%; hoolaare jaabuuji ɗin na waawi hewtude 95%. Ankettiiji paaltiidi ngaadɗaama ley burkina Faso ley kitaale 2008, 2012 e 2015.

Yo dow ko Burkinabe buri hokkude semmbe kiiɗal anniyaaji partiiji politikki waɗaa. Ndelle yo dow ko buri hokkeede semmbe e anniyaaji partiiji politikki hawatimeere rewɗunde nden waɗaa.

## Hollirgol ndabba ndariika porogaramuujɪ yamoobe laamu

		1.	2.	3.	4.	5.	6.	7.	8.	9.	10.	11.	12.	13.	14.
	ko buri hokkeede semmbe	Tahiru BARI	Jeefire DIYAABERE	Rokki M.C. KABORRE	Aadama KANAJO WE	Jan-Bapiisi NATAMA	Abulase WIDERAWGO	Bukare WIDIRAWGO	Raam WIDIRAWGO	Benewende SANKARA	S. Sere SEREME	Faransuwasi TOYE	Vikitooriyen TUGUMA	Salvadoor YAMWEWGO	ZAMPA LIGIRE Isiyaaka
		No laabi seeda	No laabi	No laabi	No laabi	Hebaakaa	Hebaakaa	Hebaakaa	Hebaakaa	Hebaakaa	Hebaakaa	Laabaa	Hebaakaa	Laabaa	Pas disponible
1	ndiyam	-	X	X	-										
2	cellal	X	X	X	-									X	
3	Keyal ñaamdu /rafo	X	X	X	X										
4	jannde	X	X	X	-							X			
5	rafi gollal	-	X	X	-							X		X	
6	demal	X	X	X	X										
7	ñibugol laabi	X	X	X	X										
8	talkaaku/hennugol yimbe sera	-	X	X	-							X		X	
9	warhooreeje rafi ndeenaagu	X	X	X	-										
1	kuuran	-	X	X	X										

**Tayka** : Faa kebbon taykaaji godfi banngal porogaramuujɪ yamoobe laamu ndaare sitti web: [www.burkinamanifestes.org](http://www.burkinamanifestes.org)

## 1. BANNGAL NDIYAM

**Yamoowo laamu Tahiru Bari** adii aadi moyfingol nokkuje ndiyam do demal wadeteer nder leydi fu (gure 8000, nokkuje ndiyayam 8000) saabe golle yimbe fu .

**Yamoowo laamu Jefiren Diyaabere, adii aadi banngal hebugol ndiyam lobbam ley gure, ley duubi joy garooji di ,yottinnde yemre dow hemre** 76% ley hitaande 2015 yahade 85% ley hitaande 2020 ; ley galluuje muuyde makko yo yottinde **yemre dow hemre** ndiyam lobbam 87% ley hitaande 2015 yahaade 95% ley hitaande 2020 ley galluuje Wagadugu e Boobo-Julaso, e tawti galluuje godde, 57% ley hitaande 2015 yahade 85% ley hitaande 2020 ley galluuje keddiide .  
Banngal la'are e laabingol nokkuje ko politikki **Diyaabere** riiwata, yo beydirgol nder gure yemre laabingol 10% ley hitaande 2015 yahade 40% ley hitaande 2020 ; e tawti beydirgol nder galluuje yemre laabingol 34% ley hitaande 2015 yahaade 80% ley hitaande 2020 .

**Yamoowo laamu Rokki Marki kirisayan KABORE,** ley porogaram mum na anniyii « huamtude haajuuji banngal ndiyam lobbam hebannde yimbe nokku nguurndam lobbam». Dum wadi dey, o adii aadi riwuude « lallingol torranagol ndiyam » ley hebugol 100% ndiyam lobbam nder galluuje e ley gure. Porogaram makko na anniyii joyfinde daliliji keewdi banngal laabingol nokkuje. Faa ndiyam lobbam hebannee yimbe fu, o joyfinanan daliliji keewdi ley gure, ley galluuje potorde e tawti galluuje maawde , ko buri fu Wagadugu e Boobo-Julaso. Banngal beydugol laabingol nokkuje, porogaram makko na anniyii wadugol golleeji ji'iniidi gadeteedi ley galluuje e ley gure.

**Yamoowo laamu Kanajoye na anniyi joyfintinde talki sariya darnanaadi hawju ndiyam ; ko o fodi, yo ittude ko laabaa fu dey winnda talki sariya kabodii di e haajuuji yimbe.** I mo anniyi hebannde yimbe, yimbe anndanbe sardiji beydirfi ndiyam. Ko o fodi faa hannden yo tiggitingol nokkuje ndiyam tawtaruuje e nokkuje ndiyam moyfinaade (weendu Bam, weendu Dem e baraasiji heba ndiyam ndemmboojam beydoo; beydugol golleeji kesi kabodiidi e hawrondirgol ndiyam yuhoole, e ndiyam mbuboojam hono no impiliviyom gollilirte nih.

## 2. BANNGAL CELLAL

Yamoowo laamu **Bari na** anniyi joyfinnde sardiji keewdi hono ko rewte dum :

- Tilsinannde neddo fu, ley baade, hebude karne suudu lokotoro ;
- Sawrude bolum be ngalaa baawde, sukaabe aranoobe nayo suudu fu e tawti warube kesum billiibe ley suudu lokotoro ;
- beydugol gollirgol asiransi cellal e jannigol yimbe ngada baale cendooje tinu banngal cellal;
- Hokude la'aare e pese nokku lobbu banngal sakkagol nawuuji e habdude e tuundiji e olkooji e luumngooji ley galluuje;
- Joyfinande kilinikiji talki sariya e tuumtade di wawtu fu;
- Hadugol sonnude cafaaje dow laabi ;



- Beydude sawroragol cafaaje baleebe e wattude de ley ko leydi darni banngal sawragol; faa dum hegitoo ko o fodi yo yiitude hokkoobe cafaaje inndentereebe dey wallirabe annditeede e ceede ;
- Wallude lokotoroobe muuyube gollande ko'e mubben e sartiiji goddi piirtaadi ley porogaram on.

**Diyaabere** ko anniyi wadude yo:

- Sawrude bolum rewbe wawtu ndimu e sukaabe rimaabe caggal ndimu ley cuudi lokotoro fu ;
  - Rafi yobnaade debereedu en e sukaabe be duubi mubben keewtaay dubi joy (5 );
  - Hoynannde rewbe hebugol cafaaje ley sarwiisiji daraniidi ndimu lobbi heba maayugol debbo ley ndimu buytoo sanne;
  - Wadannde nayebe e rewbe daliliji cawrordi ;
- Semmbinde porogaramuujj kabdooji e maayugol ley ndimu e wubbugol bawle debbo ;
- Wadangol rewbe e yimbe wobbe be ngalaa baawde jogiibe sida, be bawle mubben mbubata, jogiibe ñaw kanseer e ko nanndi e muudum dadliliji cawrordi .
  - Semmbinde porogaram cakkotoodo raabirgol SIDA inniyo e bidfo heba dum lallinee do yahade 2020;
  - Wadande rewbe cuudi do paddetee feere ley doktorooje ;
  - Tabintinande yimbe aagagol ndimu.

**Rokki Marki kirsyan Kabore** ko anniyi banngal cellal yo yimbe fu keba sawragol lobbol. Dum wadi dey, imo anniyi beydugol hebugol yimbe fu keba sawreede faa wooda, hoynangol yimbe yahude ley doktorooje e tawti kebal cafaaje lobbe, semmbinde golleeji beydooji hebugol cellal e tawti gollirgol annde kese banngal cellal. Dow majjum porogaram makko na anniyi joyfinndi ko yaawi daliliji heba semmbina hebugol sawree e semmbingol moyfol cuudi dokotoro, woonugol yarugol ñawbe doktorooji maawdi, beydugol moyfol cuudi dokotoro e nawtoragol mubben ; semmbingol golleeji caabotoodi habdugol e ñawuujj, beydugol cellal e ñibugol Sarwiisi Mawdo daraniido cellal yimbe.

### 3. **BANNGAL RAFI KEYAL ÑAAMDU /RAFO**

**Taayiru Bari adii aadi heyirannde yimbe ñaamdu e ñibugol beembe gawri e wadugol koperatiivuujj soodoobe e sonnoobe faa remoobe kebee ndeenee e jagootoobe be laabaa .**

**Heba o sakkoo faa wooda sadfaaji banngal ñaamdu Diyaabere ko anniyi yo :**

- beydude bawde Sekertariya Permanan Konsey leydi daraniido Heyugol Ñaamdu ( SP/CNSA) banngal golle, ceede e gineeji;
- winndude e gollirde politikki leydi banngal heyugol ñaamdu;
- semmbinde laawol joyfinaangol banngal hawju heyugol ñaamdu;
- semmbinde laawol joyfinaangol banngal subagol nokkuuje e baadeeji baawudi ñakkude ñaamdu e beydugol kebal ley demal e heyugol ñaamdu ;
- semmbinde baawde banngal tewtugol annde kese, tuumtagol e etugol porojeeji di gollanoobe ko'e mubben njoyinii;
- beydude gollidirdede yottingol e hawju parrite kebeteede ley demal;

- saatade dewtere winndanaande gollidinnngol e leyde banngal heyugol ñaamdu.

**Rokki Marki kirsiiyan Kabore** adii aadi buytude faa heewa rafi keyal ñaamdu do yahade 2020, beydugol tawegol ñaamdu e ceede de remooobe kebata. Semmbingol baawe gollobe e beydugol hawju lobbu banngal heyugol ñaamdu e wallugol talka en e be sadfaaji keewdi ley rafi keyal ñaamdu du, yo daliliiji baawudi adeede jeyudi gollireede no rewteri nih :

- semmbinde daliliiji cakkordi sadfaaji e kawjordi sadfaaji faro hawju lobbu e ko beydi maa ko ñakki ley demal ;
- joyfingol ley ndewguuji e powensiiji do ñaamduuji ñakki beembe e manngasaaji do garwri moobetee, gollirde e jaagotoobe gollanoobe ko'e mubben heba rafooji kabdee;
- hebande nokkuuje demal rmoobee, ko buri fu rewbe e sudfube.

**Faa keyal ñaamdu hebee, Aadama Kanajowe adii aadi wafude ko rewte dum:**

- beydugol ñaamduuji faa huuba haajuuji yimbe fu faa booya ;
- semmbinde daliliiji cakkordi e kawjordi rafooji dey tawee na habbodii e ko woni e yimbe be sadfaaji kewtii dey wada be kenña dum ley nguurndam mabbe;
- beydirgol kebal ñaamdu e ceede e moyfingol laabi nokkuuje paggortoode demal burude wuurude e hebetee ley demal e tawti beydugol ñibdiiji desirdi ko remetee baylooji ko remetee e connirdi majjum ;
- wonnude ñaamduuji yimbe , hokkude yimbe ñaamduuji kuubudi e keyudi ;
- semmbinnde hawju ñaamdu e ñaamnugol saabe kumpite gadeteede dow keyal ñaamdu e ñaamnugol;
- beydude hawju lobbu ceede e wafande yimbe fu asiransi ley demal ;
- janjinnde remooobe e wallude be be ndema aawitirdi ñaameteendi e hokkude be awdiiriiji moyfinaadi ;
- jaarude yeeso e wallude demal gadirteengal e gollitirde tuubaaku en ley joyfingol porogaram leydi neeningol nokkuuje demal ;
- beydude demal ceedu ley moyfingol nokkuuje keddiide ( ko buri hektaariiiji 185 000 baawudi remeede ceedu ).

#### **4. JANNDE**

**Bari adii aadi :**

- Tabintiinde lekkol sukaabe laato tilay;
- Tabintiinde laabi jannde didi baawudi gollireede ( jannde lekkol koleesi e liise hokkitaande laamu e yimbe diina e tawti jannde ekkitagol golle nde gollanoobe ko'e mubben mbaawi nawtoraade dey tawee lampooji keewaa; dum na waawi hokkugol laawol janngoowo yuwa ley jannde go'aberde dey naata ley jannde didaberde faa buyta wurtinneede lekkol e rafi golle) ;
- Hollude ko lekkol riiwata, heba teddeengal ngal lekkol jeyi sankitinde winndee ley progaramuuji jannde;
- hokkitinde jannde lekkol sukaabe mbaadi mum, dawrol mum e tawti hokkitinggol lekkol teddeengal dow sukaabe lekkol ngal wonndunoo ;
- moyfintinol daliliiji kebirdi dipolomiiji (Seepe (CEP), Beepeese (BEPC), bakki (BAC) e tawti naatugol iniversiteejj;

- hokkugol bursiiji (ceede ballirde janngoobe) sukaabe lekkol e janngoobe iniversitte ;
- buytude lampo heba jannjina pecce leydi kokkitaadi ko'e mubben, baale gollanooje ko'e mubben e daraniibe diina faa ñiba lekkolji ;
- tuumtaade faa moyya lekkolji gollanoobe ko'e mubben;
- beydude ñibdiiji iniversiteeji ley hokkugol laawol joyfingol porogaram e yarude ley nokkuuje .

**Jefiren Diyaabere** ley politikki mum banngal jannde na anniyi beydirde 25% jannde cukaloy ngonukoy lekkolji, cukaloy pamaroy sanne noddirteedi pere-iskoleer do yahade 2020. Banngal jannde sukaabe famarbe ko o riiwata, yo hewtude 100% ley hitaande 2020 dow 81% ley hitaande 2014. Imo aadi umminde «suka fu,heba kalaasi do janngata dey heba ñaamdu wawtu ñalooma (midi) » heba sukaabe burkina fu keba njannjira no woodiri. O tewtoowo laamu na anniyi wadude lekkol sukaabe famarbe laato ko tilsa, laato lekkol mo yobantaake . Anniya makko goddo du, yo beydirde yemre dow hemre jannde sukaabe koleesi e liise ko foti 35% ley hitaande 2020. Banngal jannde haalaaji finaatawa, imo anniyi semmbinirde politikki jannde mawbe faro joyfinirgol seeda seeda ley wuro fu, formasonji gadanteedi suddube. Politikki makko banngal jannde iniversitte ko o riiwata yo hitaande fu jannjinde, ko buri famdude fu, etidiyan en 500 faa etidiyan 100 000 keba njannjinee do e yahaade 2020 dey tawee kebudo dipolom fu na waawi hebude gollal jaadoowal e jannde mum .

Ko **rokki marki kirisiyan** anniyi yo hebaande yimbe fu jannde lobbere. Saabe majjum imo aadi tewtude daliiliji keewdi ley jannde famarbe (**pere-iskoleer**), **jannde sukaabe famarbe, jannde koleesi e liise e tawti jannde halaaji finaatawa**. ko o riiwata faa hannde yo wadude iniversite laato do janngube feerube waawube heydintinde golle kebetee faa bantaare hebee. Saabe dum o adii aadi wattude jannde iniversite e ko ardini ley golle leydi, hollude ko jannde iniversite riiwata, semmbinde hawju laamu e tawti beydude ceede gollirteede ley iniversitte; ley golleeji anniyanaadi iniversitte na tawee beydugol ñibdiiji e gollitirde, hebugol gollira internetti, yaharugol yeeso lobbaaku nguurndam etidiyan en e tawti tewtugol daliliji lobbi caabootodi jannde Elemde (LMD) joyfiniree no hegitori .

**Yamoowo laamuu Aadama Kanajowe** aadi aadi banngal jannde wadude ko rewti dum :

- hokkitinirde jannjinoowo nokku ngu joginoo arannde e beydannde dum njobdi kegitiindi ;
- wattude 20% ceede keesu laamu ley jannde ;
- beydirde annde jannjinoobe sukaabe lekkol famarbe e subagol naatoobe ley formason jannjinoobe yimbe jogiibe bakki ;
- hokkude jannjinoobe jannde lobbere fadde pudde golle mabbe e tawti formasonji goddi wawtu nde be jannjinta kambe e walliibe mabbe ley feerugol mabbe ley golle;
- ñibude lekkoleeji e iniversiteeji jaadooiji e ko habbodii sii jannde nde cubiden (cuudi jannjirdi, beembe anndal, cuudi jannjinoobe )e ko nanndi e muudum.

**Banngal jannde koleesi e liise imo aadi yaltinde miliyaariiji 20 ley duubi (05) garooji di faa ñibugol lekkoleeji Efetepe (EFTP) ley ndewguuji Burkina sappo e tati (13) e tawti ñibugol lekkol do yimbe ekkittitee golle faa laato**

anterepereneer en ley nokkuuje to golle yameteer sanne; banngal jannde iniversitte , o adii aadi e gollirgol jannde Elemde (LMD). Saabe dum o tabintinan gollirgol internetti dey o joyyina porogarm noddirteedo « etidiyan fu e ordinateer mum », hebande janninoobe iniversitte e janngoobe iniversitte beembe annde (bibiliyotekki) internetti e tawti beembe annde abadaaje. Imo anniyi adugol golle hitaande fu janninoobe hewbe (asisitan en ) e jannjinde janninoobe hiiɓbe du ngadfa konkuuriji Kameesi (CAMES). Imo fodii beydugol ñibdiiji cuudi lekkol e tawti buytude janngoobe ley iniversitte Wagadugu dey beyda siiji jannde ley iniversitte Boobo Julaso e iniversitte Kudugu. Faa hannden o ñiban iniversitteeji godfi ley Poroviisiji ....

## 5. BANNGAL RAFI GOLLE

Diyaabere na anniyi hokkude golle ley tatteeji tati. Banngal sarwisiibe laamu tawti pecce leydi kokkitaade laamu, o yuuran ley konkuruuji dey o ada golloobe ; ko o fodii adude ley hitaande fu yo yimbe 10 000 yahaade 13 000 dey tawe na yahada e ko sariya darni banngal adugol golle faro nannirgol ceede lampo e usuruuji no yoniri. Banngal gollanoobe ko'e mubben, imo anniyi saabe hebugol kaalisi lobbol noddirteengol hebugol kaalisi beydoriingol kaalisi adaduuji dɗi, e politikki cubiido gollirgol gollanoobe ko'e mubben hebude yimbe ko foti 180 000 ley hitannde faa golloobe ben kewta 900 000 ley duubi joy garooji dɗi. Banngal gollangol hoore mum, imo fodii saataade talki sariya hokkugol luumooji laamu heba dum hoynana anterepisiiji leydi hebugol majji, ko buri fu, anterepirisiiji rewbe e suɗɗube, hokkude feccere ko sarwisiiji laamu coodata anterepereneer en suɗɗube e joyyingingol keesu ceede gadanaado sii parrite fu, heba walla anterepirisiiji, ko buri fu, anterepirisiiji rewbe e suɗɗube, beydugol wallugol hawtube anterepirisiiji e joyyingingol deente anterepereneer en suɗɗube, reenugol golleeji kebudi wune, beydugol antereperenaariya ley demal heba rafi golle buytoo, jannjinde beembe ceede mballa suɗɗube ley joyyingingol luujinji mubben caabotoodi bantaare yaawunde e booyoore e tawti formaason suɗɗube ley golle antereperenaariya .

**Rokki Marki kirsiiyan Kabore** adii waylitidde ko woni hannden, kam woni janngingol yimbe be annde jaajude dow yimbe anndanbe golle. Ko porogaram makko ardinii yo jannde ekkitagol golle suɗɗube ngol o anniyani daliliiji keewdi. Banngal jannde ekkitagol golle e hebugol golle suɗɗube feendaaje de o riiwata yo: i) semmbinnde laabi gollirteedi hannden hannden banngal jannde ekkitagol golle ; ii) yaharugol yeeso hooyugol suɗɗube golle faa be laato golloobe yakarbe daraniibe bantaare; iii) buytugol suɗɗube be ngalaa golle dey tawee mono fu ko waawi gollude ndaaranaama; iv) bantaare golle nafooje caabotoode bantaare hono demal (demal gabbe, demal li'ooji, demal ko sonnetee, waylitingol ko hebetee e demal, maral, waylitingol ko hebetee e maral, e ko nanndi e muudum), heba dum laato ko saabotoo nguurndam lobbam e ko waddanta yimbe ceede ; v) daranagol jaharal yeeso jebe riiku banngal finaatawa e maaje hono laabi pinndinooji, kokkooji dawla golle. No laatori fu, o adii aadi tewtude gollidal hakkunde sarwiisi laamu banngal golle e gollanoobe ko'e mubben heba yimbe, ko buri famɗude fu, yimbe 650 000 kebanee golle kese ley duubi joy dɗi o laamotoo soni o hebi laamu.

## 6. BANNGAL DEMAL

**Yamoowo laamu Diyaabere adii aadi waddugol revoliison banngal demal faa**

**burkinaajo fu heba ñaamduuji tati ley ñalaande e beydugol ceede kebeteede ley sonnugol njananndi. Saabe majjum imo aadi:**

- Fonnditinde golleeji demal e yaharude yeeso sii demal kesal;
- beydude laabi demal heba demal gabbe e demal ko sonnetee ponnditee;
- jinngande demal gadirteengal masinaaji e golliroowal annde kese ;
- joyyinde gollitirgal kesal banngal ceede gatteteede ley demal;
- darnude laawol kesol banngal beydugol ndiyam ley demal ;
- Joyyinde hawju nokkuuje demal kesu ley hawju piilki lobbu e bantaare booyoore;
- Sakkagol rafooji e rafi ñaamdu huubundu e yiitude daliliiji no di kisiree.

Feendaaje de **Rokki Marki Kirisiyan KABORE** riiwaata banngal demal, ko buri fu, yo beydugol ko hebetee ley demal heba rafi keyal ñaamdu buytoo sanne do e yahade hitaande 2020, semmbinde kebe yimbe be mbaawanaa ko'e muɓben (rewbe e suɗɗube) e habdugol e rafi golle e tawti yelaagol ko wodi e ngurndam yimbe. Faa dum moyya ko burata ndaaraneede yo beydugol ko hebetee e demal ley golleeji dewtudi di:

- moyyingol gaawi mawdi ñibdiiji nokkuje ndiyam do demal wadatee;
- daranagol hawju nokkuuje demeteede lobbu ;
- beydugol gollirgol masinaaji ley demal ;
- beydude kebal ñaamduuji ceede remoobe;
- semmbinde baawe gollal remoobe yaharugol yeeso hawju lobbu banngal keyal ñaamdu;

Semmbinde baawe talka en e yimbe be mbaawana ko'e muɓben ley boowtol rafi keyal ñaamdu e rafi golle .

**yamoowo laamu kanazoye adii aadi joyyingol sarwiisi gooto daraniido adugol golle noddirteedo Ge** (GUE) heba o habda e ko buri habbude yimbe fu ko'e, dum woni hebugol golle suɗɗube. Faa golle beydoo dey yimbe ko foti miliyon keba golle ley duubi 5 garooji, imo anniyii gollude ko rewti dum:

- jannjinde adugol sarwisiiji gollanoobe ko'e muɓben ada suɗɗube golle dey tawee dum yuurayna e sarwiisi leydi daraniido adugol golle noddirteedo Ayenpe (ANPE) keytintinaado mo laawol mum dartina faa golle mum moyya ;
- joyyinde anterepereneer ko foti ujunaaji keewdi dey tawee e sarwiisi leydi daraniido anterepereneer noddirteedo Oyenpeye (ONPE) yuura;
- hebande golle yimbe ko foti ujunaaji keewdi saabe gollitirde keewde de keesu ceede leydi gattol kaalisi noddirteedo Efenepi (FNIP) hokki ceede;
- hokkude yimbe ko foti ujunaaji keewdi ley sarwisiiji laamu saabe daliliiji keewdi darnaadi.

## **7. BANNGAL N'IBUGOL LAABI**

**Yamoowo laamu Taayiru Bari** adii aadi jogoraade faa wooda laabi burudi yi'inaade e keesu ceede mo o joyyiniri e usuruuji jobeteedi dow laabi hakkunde gallu e gallu; yoppude beydugol ko luumooji beydetee ley kontaraaji wattugol gudoronji e jukkude golloowo on soni duubi sappo kewtaay ko gudoropn on boni.

Yamoowo laamu **Diyaabere** na anniyii ñibande leydi laabi kesi golliraafi e annde kese faa leydi heba burtorte ley laabi mum . ko o riiwata banngal ñibugol laabi yo: wadude njuundeefi laabi di gudoron ngonudi handen km 3 500 kewta km 5000 doo yahade 2020 ; wadude njuundeefi laabi camaadi ngonudi hannden km 3000 kewta km 5000 doo yahade 2020; ñibude otorutiiji di laabi keewdi e di laabi jobanteedi hakkunde Wagadugu –Ceerol Togo; Wagadugu- Ceerol Gana; Wagadugu–Ceerol Bene; Wagadugu –Ceerol-Niizer; Boobo-Ceerol Mali; jokinde Porje Otorutu Yamusokoro- Boobo Julaaso- Wagadugu. Faa muuyde makko njottoo banngal laabi imo anniyi wadude lalawa wote faa holla feendaaje e ceede gollirde dow ko booyaay seeda , moyfintininde laabi gonunoodi dey tawe laabi no adiraa hono jawdi ndoomaandi. Faa laabi ndeenee tilsinnde peesagol mobilaaji e jukkude luunndiibe laawal gollirtee heba rinndugol bellitiingol buytoo, ko buri fu, dow laabi hakkunde leyde. Dow gollidal e pecce leydi kokkitaade laamu, laabi gallu njogorte no woodiri. Porogaramuujj wattugol guduron dow laabi galluuje yo konsey minisipal tabintinta dum. Imo fodii hollitinde nokkuuje tewtanteede wurtorde ko buri fu nokkuuje gure de kebe ley demal keewi. Porogaram beydagol taransipoor ley gure ndaaranan laabi departimaaji e tawti laabi gure caabotoodi hebugol burtorde ley nokkuuje gaddanooje yimbe jawdi.

**Yamoowo laamu Kaboore adii aadi yaharugol yeeso taransipoor, yaawingol hebugol burtorde e semmbingol ndeenaagu laabi. Banngal taransipoor hakkunde galluuje e hakkunde leyde daliliiji dewtuudi di adetee :**

- Semmbinnde, e beydude laabi e beydugol hawju lobbu laabi leydi
- Hegintingol daliliiji banngal doofagol gineeji ley nokkuuje doofe mawde hakkunde Burkina Faso e leyde godde
- Hegintigol golle sarwisiji taransipoor e tawti semmbingol hebugol wune golliroobe taransipoor yimbe e geneeji conneteedi
- Moyfintinde e beydude laabi gure e yaharudu yeeso hebugol yimbe mbadduuji hakkundeeji banngal taransipoor nodirteedi Eyemyite (MIT).

**Yamoowo laamu Kanazoye na fodi gollleeji goongaaji dewtuudi di :**

- beydude ceede keesu daranniido moyfingol laabi noddirteedo Feer-Be (FER-Be) mo ceede mum ngonudi hannden milliards13 ley hitaande faa kewta milliards 20 heba laabi njogoree no woodiri dey tawee moyfingol ngol na fudfa law ;
- jukkude faa naawa be ndewaay sardiiiji darnaadi banngal rinndugol gineeji; yimbe be dingal bellitiingal njoba husuruuji keewdi heba taa pudfita; din usuruuji nawtoore ley moyfingol laabi
- laabi hakke km 4 000 camiree leydi ley hitaande fu, ceede majum yo buudi milliards 60 ley hitaande fu;
- Wadude jahaangal hoye ley gure e ley galluuje ndugu e ceedu faro ñibirgol laabi hakke buudi miliyaruuji 10 ley hitaande fu;
- Fodaade gollirde politikki koynoowo hebande leydi burtorde ley ñibugol laabi gudoron, ko buri famdude fu, hiisa km 100 yahade km 150 ley hitaande fu;
- gollirde annde kese ley laabi jobnirdi ceede dow laabi dey tawee dum halfinee Sarwiisi gollanoowo hoore mum golloowo golle majjum ;
- Jannjinde gollidal hakkunde laamu e gollanoobe ko'e mubben ley nawtoragol laabi e tawti gollleeji goddi banngal taransipoor.

## 8. BANNGAL TALKAAKU E HENNUGOL YIMBE SERA

Yamoowo laamu **Bari** na anniyi buytude ceede golloobe ley sarwiisiji faa hokka koreeji mabbe yoppaabe ley gariibal. Imo anniyi du darnude lampo ngo golloowol tayante tamma dow nogayiiuru lewru ley njobdi mum faa watee ley keesu mo o watanta mballa haanjaabe, sukaabe e nayeabe yoppaabe maa be ngalaa koreeji.

Yamoowo laamu **Diyaabere** ndolo mum na woni dow laabi kesi banngal hawju ceede nguurndam e ballondiral faa habda e rafi golle e hennugol yimbe sera dey yahara bantaare nde yimbe fu kokki darja. Faa talkaaku e hennugol yimbe sera habdee, feendaare nde o riiwata yo hetugol beydaari kebe keewudo noddirteedo adaadu mo ñiiye dīdi e hokkugol yimbe golle lobbe.

Ko Yamoowo laamu **KABOORE** feendinani yimbe ley duubi joy garooji di yo ñibude Burkina mo demokaraasi woni e mum e tawti jaharowo yeeso. Dum na habbodi e watteringol laabi golle kebe leydi faa laato laawol beydirgol jawdi kesol dey tawee rafi potal hakkunnde yimbe e talkaaku ley gure e ley galluje buytoke. Saabe dum yamoowo laamu on, ko buri daranaade yo tewtude sarwiisiji burudi nafude nguurndam (jannde ,cellal e sarwiisiji ballondiral) e hebande di sukaabe wonube ley tiidformaaji be ngalaa baawde (bibbe hatiimi en, bibbe talka en maa sukaabe wondube male), sakkagol maa daranogol yimbe wurtinaabe buudu heba be keddo maa be ngartiree ley koreeji mabbe. Ko yamoowo laamu on daranii yo watugol ceede ley baylite caabotoode beydugol kebanee leydi, faggudu ndu leyde njidani ko'e mubben, buytagol talkaaku e rafi potal hakkunde yimbe.

**Yamoowo laamu Kanazoye** adii aadi :

- Jannjirde antipiriiji jogiibe ceede mballira baale daraniide sukaabe be mbawanaa ko'e mubben nodirteebe Oyeve (OEV) dey tawee walaa fu ko be tewtata wafaneede .Ndelle ko foti milliards 3 yuwooji ley sii mballa on na mbaawi hebeede ley hitaande fu faa oyeve en mballiree ;
- Fuddude wadangol talki rimeede Oyeve fu be sarwiisiji mbaallondiral ngatti ley bukku limngal mubben;
- Joyyinde laabi hebangol bibbe hatiimi en famarbe baadeeji do be njabbetee e simbingol porogaramuujji hokkugol tagu lobbu sukaabe be taguujji tiidufi;
- Tinndinde koreeji e baadeeji banngal duruwaaji sukaabe ko buri fu Oyeve en;
- Hokkude ko foti tonniji 500 gabbe sukaabe 10 000 be ñawu rafi ñaamdu huubundu jogii;
- Hokkude Oyeve en 10 000 gineeji lekkol e tawti nannude Oyeve en 500 ley hitaande fu ley lekkolji do golle ekkitetee heba hebugol mabbe golle hoyta;
- Hoynude hebugol golle Oyeve en
- Hebude ley hitaande fu buudi milliards 20 dey tawee feccere majji yuwayna ley mballa anterepiriiji e feccere heddinde ley ceede keesu laamu faa Oyeve en mballiree .

## 9. BANNGAL WARHOORE E RAFI NDEENAAGU

**Yamoowo laamu Bari**, faa habdaa e rafi ndeenaaku na anniyi :

- Habdude e sonnugol ndimaaku e rafi juukoore caabotoodi golle bonde;
- Wafande poliisi en e janndarm en formasonji feerefeereji ;

- Laabinde golleeji poliisi en e janndarma en;
- Wadude poliisi en e janndarma en teddinee ley golle mubben ;
- Tilsinde poliisi en , janndarma en, dooñeebe gardifoore en pedfa bajjiiji wawtu golle;
- Hokkude polisiire e jandarmoriire gollitirde jonude saabe golleeji mawdi di be kokketee;
- poliisi en , janndarma en, dooñeebe gardifoore en e poon-pi en kokke njobdi lobbiri.

Yamoowo laamu **Diyaabere** adii aadi ndaranaade faa yimbe e gineeji mubben fu keba ndeenaagu lobbu. Dum wadi dey o adii aadi buytude sanne sukaabe wadoobe huunde nde sariya hadi e banndiiji bondi . Banngal sonnugol dorogi e tawti kulleeye godde de sariya hadi o holli ke o wadantaabe yurmeede , o holli du ke ko o gollata wardan semmbe. Golle banndiiji bondi du keban jaabitaare nde kegodii e golle mubben. Habdugol e habo banngal baylital ko buri habbodii jiyadiisi en wadirte e golleeji maawdi. Faa rafi ndeenaagu dow laabi habdee daliliiji mawdi ndarnete; o holli faa hannde ke o habdan e sonnugol ñaamduuji di mbofaa. Banngal gunykaaji ceede laamu e warhooreeji o holli ke o hokkam jusitiisi gollitirde e ceede jonude faa talki sariya yuufanoodi fu mburtinee dey sariyaaji din fu ngade .

**Yamoowo laamu Kaboore adii aadi winndugol politikki e dabare leydi kollooji golleeji kabbodiidi e ndenaagu fu dey hollaama kee bii leydi fu na jey nannude hoorem ley golleji din, faddagol e habdugol e rafi rewugol laabi sariya ,rafi ndeenaagu e warhooreyaaku.** Banngal minteere e janndarma en e tawti poliisi daraniibe habanngo e reenugol leydi o daranto :

- winndugol politikki leydi e dabare leydi banngal deenaagu leydi;
- beydugol gollitirde, ceede e yimbe banngal habdugol golle banndiiji bondi e habo banngal baylital latiidi alaama torroowo goongalaajo;
- hollitingol ko woni poliisi badiido e yimbe ko buri ley gollidal e yimbe e tawti gollidingol yimbe fu sabotoobe ndeenaagu leydi ;
- joyfinde kawrital maawngal leydi banngal ndenaagu leydi ;
- Joyfinnde deental kawjotoongal gollidal hakkunde daraniibe ndenaagu leydi.

Yamoowo laamu **Kanazoye** ko fodii yo :

- Joyfinde Konsey Leydi banngal Ndeenaagu na noddire Seyense (CNS) do burube feerude ley Poliisi leydi, Janndarmoriire leydi , Laarme , gardi foore en, poon-piin en e tawti yimbe fu be annde mubben mbaawi wallude winndugol politikki leydi laabude e baawdo tabitidde ley lallingol Golle banndiiji bondi e habo banngal baylital;
- Adude polisiibe 5 000 e janndarma 3 000 e wadande be formason heba golleeji sarwisiji mabbe cemmbee;
- Fuddude porogaram mo duubi tati darantoodo beydugol annde ley formaason, e ley golle golliteede ñannde fu e tawti hokkudesarwiisi poliisi leydi e jandarmoriire ley gollitirde e jawdi keyundi heba be njaaltoo durwooji kesi banngal rafi ndeenaagu hono warhooreeji mawdi e habo banngal baylital di o anniya watande kabbe sordaasi en idintireebe faa kabda e golle bonde den ;
- beydude ndeenaagu ley nokkuuje kaŋe, nokkuuje luujinji e nokkuuji do yimbe njiltotoo na ndaaraa;
- joyfinnde Habbere sordaasiibe habdoore e habo banngal baylital dey tawee



sordasiibe Eresipe (RSP) kiindo nawtoraa .

## 10. KUURAN

**Yamoowo laamu Diyaabere** na anniyi gollirde dabare mo vitesiiji tati banngal kuuran; viteesi go'abo ley ko yaawi, viteesi d'idaabo yo wadde seeda e tawti viteesi tatado so booyoowi. Ley ko buri yaawude o gollira laabi jaawudi e goongalaaji faa beyda hebugol kuuran. Ley ko yaawi seeda feeti ko o fodii wadude dow dum, imo fodii darnude daliliji baawudi booyinde kuuran e tawti beydude cuudi kuuran. Beydi gollleeji di o fodii gollude joonin buytooji tiiformaaji banngal kuuran imo fodii do e wadde seeda e ko booyoyta tewtude laabi lallinooji njakkere kuuran ley leydi men.

Yamoowo laamu **Kaboore** adii aadi nawtorogol ko woni hannden dey laabi goddi hono nawtorogol kuuran baawudo wattiteede ko buri kuuran yuwoowo e naange. Ley feendaare nden ko riiwetee yo hebude fadde timmugol laamu makko ko rewti dum :

- Yemre dow hemre hebugol kuuran hewta 85% ley leydi fu ;
- yimbe be Sonabel hokkata kuufran beydoro nde d'idi , hannde yimbe nben yo 500 yahade(01) million e tawti beydagol semmbe kuran; hannde ko hebetee yo Megawattii 300, ko o yidi hebude yo Megawatti 1000 ;
- Taweede wawtu fu asansi ley nokkuuje leydi fu;
- Nawtorogol kuran yuwoowo e naange e coobe ko wuuri.

Subaade ngol laawol na tilsini adugol aadiiji kabodiidi e wattitingol ko woni dum woni yoppirgol seeda hebirgol kuuran e masinaaji dey fudda tewtugol kuuran baawudo wattiteede kebirteedo cobe e naange. Aadiji din kebirte gollleeji dewtudi di:

- i) beydugol semmbe kuuran kebirteedo heba kuuran beydo dey heboobe kuuran kewta 85%, beydugol heboobe kuuran nde d'idi e heba kuppiriiji kuuran buytoo; ii) wadugol asansi lobbo tawee wawtu fu ley nokkuuje leydi; iii) Nawtorogol kuran yuwoowo e naange e coobe ko wuuri.

Yamoowo laamu **Kanazoye** ko fodii yo:

- Moyf'intingol hawju golle Sonabel ley wadugol hii'ugol golle sarwiisi ley duubi sappo paaltiidi heba faamee ko sarwiisi on waawi gollude e ko jeyi golluede faa golle den moy'ya;
- Sembinde golle Sonabel hanndeeje heba kuuran beydoo dey heya yimbe ;
- Yaarude yeeso kuran yuwoowo e nokkuuje godde , ko buri fu kuuran yuwoowo e naange ;
- Hebande leydi andanbe golle kuuran yuuroowo e naange banngal joyf'ingol sarwiisi tewtoowo ande kese banngal kuuran yuwoowo e naange ;
- Banngal hawatimeere coggu njanandi hawtaande noddirteende Tekki (TEC), rookaade ittol husuruuji soodugol njanandi gineeji gollirdi senjugol majji banngal kuuran yuuroowo e naange ;
- Joyf'inde porogaram mo duubi sappo faa ko foti baadeeji mliyoongi 2,5 e tawti antipirisiiji ujunaaji 500 keba kuuran.

## Timinirka

Ko woteeji di hitaande 2015 din mbaawi sendireede e woteeji goddi seku (sikke) fu walaa yo ko partiiji politikki ngatti hiilngooji mu'bben dey ngolliri porogaramuui. Hikka

na seedi e e duubi paaltiidi sabu porogaramuujji na kolla ley porpaganndi wote, fay soni won ko ɗakki banngal moyƴol majji e tawti yaajinde di.